

# Usinik angallassisinnaanermi akitsuutit pillugit Namminersornerullutik Oqartussat nalunaarutaat

Kalaallit Nunaannut, Kalaallit Nunaannit Kalaallillu Nunaanni usinik imaatigut angallassineq pillugu Inatsisartut peqqussutaanni nr. 16, 30. oktober 1992-imeersumi § 6, imm. 2 aamma § 8, imm. 2 naapertorlugit makku aalajangersarneqarput:

**§ 1.** Usinik imaatigut angallassisinnaanermut akuersissummik peqartut nassiussanut angallanneqartunut angallassinermut akiliutigitinneqartunit akiliisassapput.

*Imm. 2.* Aningaasat, assartukkap isumagineranut, tamatumani ilaallutik usingiarneq usilersornerlu, ullut uninngatitsiffusinnaasut aalajangersimasut assigisaallu, toqqaannartumik toqqaannanngitsumillu akiliutigitinneqartut ilaannit akiliisoqartassaaq. Containerinik, quersuarnik, inissiiffissamik attartornermut tapinullu allanut akiliutigitinneqartunit akiliuteqartoqassanngilaq.

**§ 2.** Assartukkat isumagineranut akiliutigitinneqartup angissusilerneqarnera illuatungeriit pituttorsimanngitsut akornanni atugassarititaasunit allaasumik angissusilerneqassappat Akileraartarnermi Pisorta qarfiup akitsuutit naatsorsornissaannut tunngaviususaaq, illuatungeriit pituttorsimanngitsut akornanni atugassarititaasut nammeneq aalajangerneqarsinnaasut naapertorlugit angissusilerneqassagalaruni tunngavigineqarsinnaasussap angeqataanut angissusilersinnaavaa.

**§ 3.** Akiliisussaataitaneq toqqaannartumik toqqaannanngitsumilluunniit akiliutigitinneqartunut makkununga atuutinngilaq:

- 1) Kalaallit Nunaanni illoqarfiup nunaqarfiullu akornanni usinik assartuineq,
  - 2) aalisakkanik aalisakkanillu nioqqutissianik Kalaallit Nunaanni nunami aalisakkanik tunisassiorfinni suliarineqartussanik assartuineq,
  - 3) aalisakkat aalisakkanillu nioqqutissiat umiarsuup tunitsiviup nunaqarfinnut isorliunerusunullu tunisaanik, tassannqalu assartorneqartunik assartuineq,
  - 4) Kalaallit Nunaanniit usinik nassiussanik Danmarkimi, Savalimmiuni nunaniluunniit allani umiarsualivimmiit nunamut pinqajuusumut assartueqqinneq,
  - 5) usinik nassiussanik Kalaallit Nunaannut ingerlatitanik nunamit pingajuusumiit Danmarkimi, Savalimmiuni nunamiluunniit allami umiarsualivimmut assartuineq, aamma
  - 6) ingerlatsiviup imaluunniit inuup sanaartugassaanut atortussanik assigisaannillu Kalaallit Nunaanni illoqarfimmut ingerlatsiviup imaluunniit inuup angerlarsimaffianut, tassanngaaniilluunniit imaluunniit illoqarfimmut qanittuaniittumut, tassanngaaniilluunniit assartugassanik assartuineq, assartuineq umiarsuakkut nalinginnaasumik akiliuteqartitsilluni usinik assartuutaanngitsukkut ingerlanneqarpat.
- § 4.** Akitsuutit akiligassanngussapput usit umiarsuarmut assartuineri akitsuutinik akiliisussaataitaasumut nassiussatut tunniunneqarnerini.

*Imm. 2.* Usinik imaatigut assartuisinnaanermut akuersissummik peqartup akitsuutit qaammatikkaartumik naatsorsortassavai, qaairanatillu akiligassanngorfisa tulliata 30-ani kingusinnerpaamik Akileraartarnermi Pisortaqarfimmut akilerlugit.

*Imm. 3.* Nalunaarut imm. 2-mi taaneqartoq, akitsuutit akilernerqarfissaat kingusinnerpaaq ilutigalugu, Akileraartarnermi Pisortaqarfimmut nassiunneqassaaq.

*Imm. 4.* Naatsorsuutit qanoq suliarineqartarnissaat pillugit Akileraartarnermi Pisortaqarfik erseqqinnerusunik aalajangersagaliussaaq.

**§ 5.** Ingerlatsivik imaluunniit inuk piffissaagallartillugu akitsuutinik akiliinngitsoq imaluunniit nalunaarummik tunniussaqaanngitsoq Akileraartarnermi Pisortaqarfimmit peqquneqarsinnaavoq qaammammit ataatsimit sivikinnerusumik piffissaqarluni nalunaaruteqartarnissaanut.

*Imm. 2.* Aammattaaq ingerlatsivik imaluunniit inuk piffissaagallartillugu akitsuutinik akiliinngitsoq Akileraartarnermi Pisortaqarfimmit peqquneqarsinnaavoq akiliinissamut piffissarititaasumit § 4, imm. 2-mi taaneqartumit sivikinnerusumik piffissaqarluni akiliisarnissaminut, aammalu piumaffigineqarluni akiliinissamut qularnaveeqqusiinissamik.

**§ 6.** Usinik imaatigut assartuisinnaanermut akuersissut atorunnaarsinneqarsinnaavoq akitsuutit arlaleriartumik piffissaagallartillugu akilernerqartarsimanngippata.

**§ 7.** Nalunaarut piffissaagallartillugu nassiunneqaanngippat imaluunniit ingerlatsiviup inuulluunniit akitsuutinut akiligassaasa annertussusaat ingerlatsiviup imaluunniit inuup naatsorsuutai tunngavigalugit naatsorsorneqarsinnaanngippata, Akileraartarnermi Pisortaqarfiup akitsuutinut akiligassat missingersuusiornikkut angissusilersinnaavai.

**§ 8.** Nalunaarut una naapertorlugu Akileraartarnermi Pisortaqarfiup aalajangiineri qaammatit pingasut qaangiutsinnagit Naalakkersuisunut ingerlateqqinneqarsinnaapput.

*Imm. 2.* Naalakkersuisut aalajangiineri qaammatit pingasut qaangiutsinnagit eqqartuussisunut suliassiissutigineqarsinnaapput.

**§ 9.** Nalunaarut una naapertorlugu Akileraartarnermi Pisortaqarfiup nakkutilliinissaanut aalajangiinissaanullu atugassanik Akileraartarnermi Pisortaqarfiup qinnuteqarneratigut pisortat oqartussaasut paasissutissanik sunilluunniit nalunaaruteqartassapput.

**§ 10.** Usinik imaatigut assartuisinnaanermut akuersissummik peqartup akitsuutit akilernerqarnissaat akisussaaffigaa.

**§ 11.** § 4, inun. 2-mi 3-milu aanuna § 5-imi aalajangersakkanik unioqqutitsineq akiliisitsinermik pillarneqaatissiissutaasinnaavoq.

**§ 12.** Nalunaarut ullormi 1. oktober 1993-imi atuutilissaaq.

*Imm. 2.* Tamatumunnga ilutigitillugu usinik angallassisinnaanermi akitsuutit pillugit nalunaarut nr. 31, 17. december 1992-imeersoq atorunnaarsinneqarpoq.

*Namminersornerullutik Oqartussat, ulloq 30. september 1993.*

/

Kaare Hagemann

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut